

бездушна и безгласна, иже всѣхъ жизнь бяше,  
недуги уврачева, мертвыхъ воскрешаше.

5 Сего благодѣтеля жидове убиша,  
отъ вѣкъ неслышанное дѣло сотвориша.  
Кто бы слыша, дабы тварь творца си убила?  
Иудейска сонмица то зло сотворила.

л. 597

Зависть же проклятая того не терпяше,  
10 яко многая блага Христосъ творяше.

Силою божества си яко на слово  
велѣния<sup>6</sup> онаго бываше готово.

Завистию движими, яша Христа бога,  
лжи и клеветания нанесоша многа.

15 Неправдою хотяше правду побѣдiti,  
судию всего мира на смерть осудити.

Емше же, злочестнии, господа вязаху,  
им же отъ фараонихъ юзъ свободни бяху.

Отъ едина судии къ другому водиша  
20 того, им же въ пустыни проводимы быша.

Во лице пресвятое сквернии плеваху,  
то покрывше, въ ланиту того заушаху,  
иже плюновениемъ слѣпцы просвѣщаше  
и сухия руки имѣвшихъ<sup>7</sup> исцѣляше.

25 Водимъ бѣ ко Пилату и къ Ироду злому  
извѣдый Израиля изъ работы дому.

Вопияше ко Пилату, да судитъ господа распяти,  
а Вараввѣ свободу подати.

О, безумия злыхъ скотъ, не человекъ,  
30 невиданна<sup>2</sup> подъ солнцемъ отъ начала вѣковъ!

Благодѣтеля на смерть молятъ осудити,  
а убийцу лютаго свободно пустити.

Злии злаго избраша, ибо нехѣтъ быти,  
да благо лукавый восхошетъ любити.

5 Неправый же судия, аще добръ знаше,  
яко во Христѣ вина ни едина бяше,

изнесе судъ неправый, еже и распяти,  
но въпредъ лютыя раны невинну задати.

л. 597 об.

Вземше убо и вои, тѣло обнажиша,  
40 во многия премѣны безъ пощады биша.

Тече кровь пресвятая, все тѣло язвися,  
ты, душа правовѣрна, зрящи прослезися!

Пусти ума ти очи на язвы Христовы,  
отъ тѣлесныхъ же слезы да будутъ готовы.

45 Онъ тебе ради кровь си святую лияше,  
его дѣля да точитъ слезы сердце наше.

Точатъ вси сердца вѣрныхъ, но наипаче мати  
не хошетъ отъ слезъ горкихъ и мало престати.

Рѣки слезъ въ стенании горкихъ изливаетъ,

50 а отъ умилена сердца сице припѣваетъ:

«О всесладкий мой сыне, сыне возлюбленный,  
безъ мужа зачатый, безъ болѣзни рожденный!

<sup>6</sup> В ркп. слово отнесено къ предыдущей строке, однако имеется разделительный знак — вертикальная черта. <sup>7</sup> В ркп. написано над строкой. <sup>2</sup> В ркп. слово отнесено къ предыдущей строке, однако имеется разделительный знак — вертикальная черта.